

Ugovor o javnoj nabavci robe
UREĐAJ ZA SIGURNOST MREŽE

Zaključen u Sarajevu, između Ugovornih strana:

Zavod za informatiku i statistiku Kantona Sarajevo

Ulica Reisa Džemaludina Čauševića 1

71000 Sarajevo

kojeg zastupa direktor mr. Dino Šehović (u daljnjem tekstu: Naručilac)

i

KING ICT d.o.o. Sarajevo

Ulica Aleja Bosne Srebrene 34

71000 Sarajevo

kojeg zastupa direktor Adis Pobrić (u daljnjem tekstu: Izvršilac)

PREDMET UGOVORA

Član 1.

Predmet Ugovora o javnoj nabavci robe (u daljnjem tekstu: Ugovor) je uređaj za sigurnost mreže, u skladu s predmetnom tenderskom dokumentacijom, specifikacijom robe i ponudom Izvršioca, broj: 26-11-41270/20, koja čini sastavni dio ovog Ugovora, u skladu s važećim tehničkim propisima, normativima i obaveznim standardima koji važe za nabavku i isporuku ovih vrsta roba.

CIJENA

Član 2.

Cijena po ovom Ugovoru za predmet Ugovora iz člana 1. iznosi:

Ukupna cijena bez PDV-a: 49.000,00 KM

PDV: 8.330,00 KM

Ukupna cijena s PDV-om: 57.330,00 KM

Slovima: pedesetsedamhiljadatristotrideset KM

NAČIN PLAĆANJA

Član 3.

(1) Plaćanje izabranom ponuđaču, odnosno podugovaraču (ako je predviđeno direktno plaćanje podugovaraču) će se vršiti u roku od 30 (trideset) dana po pružanju ugovorenih obaveza koje su predmet ovog Ugovora iz Obrasca za cijenu ponude, a po obostrano potpisanom zapisniku Ugovornih strana bez primjedbi, po ispostavljanju fakture od strane Izvršioca, na žiro račun Izvršioca, odnosno podugovarača, koji je dostavljen u ponudi, odnosno u ugovoru o podugovaranju.

(2) Nema avansnog plaćanja tokom trajanja ugovora.

ROKOVI

Član 4.

(1) Rok za izvršenje predmeta Ugovora iz člana 1. Ugovora iznosi 45 (četrdesetpet) dana od dana obostranog potpisa Ugovora.

(2) Ukoliko Izvršilac ne izvrši obavezu u ostavljenom roku, može tražiti od Naručioaca produženje roka, ukoliko je do istog došlo iz opravdanih razloga i više sile, a Naručilac ima pravo da Izvršiocu ostavi naknadni primjereni rok.

(3) Ukoliko i u naknadnom roku Izvršilac ne počne s izvršenjem ugovorene obaveze, Ugovor će se raskinuti jednostranom izjavom volje Naručioaca koji zadržava pravo da u tom slučaju zatraži naknadu štete.

(4) Rokovi iz ovog člana mogu se produžiti samo u slučaju više sile i promijenjenih okolnosti i to za onoliko dana koliko traju okolnosti koje su dovele do istih, kao i u slučaju da Izvršilac ne izvrši svoje obaveze u ugovorenom roku, za onoliko dana koliko je potrebno za ispunjenje tih obaveza.

(5) Izvršilac je dužan da zahtjev za produženje roka podnese Naručiocu, čim sazna za razlog zbog koga se rok može produžiti.

(6) Ukoliko Izvršilac svojom krivicom ne izvrši sve ugovorene poslove u roku utvrđenom u ovom članu, dužan je platiti Naručiocu ugovornu kaznu u visini 0,5% od ugovorene cijene za svaki dan zakašnjenja, s tim da ukupan iznos ugovorne kazne ne može preći 10% od ugovorene cijene.

(7) Ako slučaj više sile spriječi, potpuno ili djelimično, izvršenje obaveza po ovom Ugovoru, Ugovorna strana zahvaćena slučajem više sile je obavezna da o nastanku slučaja više sile, o vrsti i o eventualnom trajanju više sile pismeno obavijesti drugu Ugovornu stranu u roku od 7 (sedam) dana od nastanka slučaja više sile.

(8) Ako se blagovremeno ne javi nastupanje slučaja više sile, Ugovorna strana koja je pogođena tom okolnošću ne može da se poziva na nju, izuzev ako sama ta okolnost ne sprečava slanje takvog obavještenja.

(9) Pod višom silom, u smislu prethodnog stava, smatraju se vanjski i vanredni događaji koji nisu postojali u vrijeme potpisivanja ovog Ugovora, koji su nastali mimo volje Ugovornih strana, čije nastupanje i djelovanje Ugovorne strane nisu mogle spriječiti mjerama i sredstvima koja se mogu u konkretnoj situaciji opravdano tražiti i očekivati od strane koja je pogođena višom silom.

(10) Kao slučajevi više sile smatraju se sljedeći događaji: rat i ratna djelovanja, pobuna, mobilizacija, štrajk u Ugovornim stranama, epidemija, požar, eksplozije, saobraćajne i prirodne katastrofe, akti organa vlasti od uticaja na izvršenje obaveza i svi drugi događaji koje nadležni organ priznaje i proglašava kao slučajeve više sile.

(11) Za vrijeme trajanja više sile, obaveze Ugovornih strana po ovom Ugovoru miruju i ne primjenjuju se odredbe o ugovornoj kazni, s tim da se rok za izvršenje obaveza Ugovornih strana produžava za period koji odgovara trajanju slučaja više sile i razumni rok za otklanjanje posljedica više sile.

(12) Ukoliko slučaj više sile bude trajao duže od 30 (trideset) dana, Ugovorne strane će se dogovoriti o daljnjoj sudbini ovog Ugovora.

(13) Ukoliko se Ugovorne strane ne dogovore o sudbini Ugovora, Ugovorna strana kod koje nije nastupila viša sila ima pravo na raskid Ugovora pošto o tome pismeno obavijesti drugu Ugovornu stranu.

NADZOR I PRIMOPREDAJA

Član 5.

(1) Prije početka izvršenja predmeta Ugovora, Izvršilac je dužan da na poziv Naručioca pismenim putem dostavi ime/imena odgovornog/ih lica Izvršioca koja će vršiti ugovorene poslove.

(2) Naručilac je obavezan Izvršiocu dostaviti pisanim putem imena stručnih lica koja su zadužena i ovlaštena za kontrolu kvaliteta i kvantiteta izvršenih ugovorenih obaveza.

(3) Datum završetka ugovorenih obaveza je datum potpisivanja zapisnika o prijemu robe, nakon provjere kompletnosti i funkcionalnosti koju treba da izvrši Komisija Naručioca, na lokaciji Naručioca, uz prisustvo ovlaštenih predstavnika Izvršioca.

(4) Komisija je obavezna da počne sa radom odmah nakon obavještenja Izvršioca da je roba spremna za primopredaju.

(5) Po završetku pregleda robe, izvršenih radova i primopredaje dokumentacije, Komisija je obavezna da sačini zapisnik koji potpisuju i ovjeravaju predstavnici Ugovornih strana.

GARANCIJA ZA UREDNO IZVRŠENJE UGOVORA

Član 6.

- (1) Naručilac će tražiti garanciju za uredno izvršenje Ugovora.
- (2) Iznos garancije za uredno izvršenje ugovora je 10% od ukupne vrijednosti Ugovora.
- (3) Izvršilac dostavlja garanciju za uredno izvršenje Ugovora u obliku mjenice i mjenične izjave, u iznosu od 10% od ukupne vrijednosti Ugovora, sa klauzulom plativo na prvi pisani poziv Naručioaca i bez prava prigovora, sa rokom važnosti: rok izvršenja ugovornih obaveza+30 dana.
- (4) Mjenica se dostavlja u originalu, s potpisom i pečatom Izvršioca i ne smije biti ni na koji način oštećena.
- (5) Garancija za uredno izvršenje Ugovora se predaje Naručiocu u roku od 10 (deset) dana od dana potpisa Ugovora od strane Naručioaca.
- (6) U slučaju da Izvršilac ne dostavi garanciju za uredno izvršenje Ugovora u skladu s odredbama Ugovora, zaključen i Ugovor se smatra apsolutno ništavnim i u tom slučaju, Naručilac će ponuditi zaključivanje Ugovora drugorangiranom ponuđaču.
- (7) Ukoliko Izvršilac ne izvršava Ugovorom predviđene obaveze, Naručilac zadržava pravo na naplatu garancije za uredno izvršenje Ugovora u punom iznosu.

OBAVEZE IZVRŠIOCA

Član 7.

Detaljnije obaveze Izvršioca su utvrđene tehničkom specifikacijom, Aneks IV, koji čini sastavni dio Ugovora.

OBAVEZE NARUČIOCA

Član 8.

Naručilac je obavezan:

- a) da u utvrđenom roku uvede Izvršioca u posao i ispuni svoje obaveze koje podrazumijevaju uvođenje u posao;
- b) da osigura plaćanje ugovorene cijene na način utvrđen u članu 3. ovog Ugovora;
- c) da osigura blagovremenu internu zapisničku primopredaju robe.

RASKID UGOVORA

Član 9.

- (1) Ugovorne strane su saglasne da Naručilac može jednostrano raskinuti ovaj Ugovor i zadržati pravo na naknadu štete zbog raskidanja Ugovora i u sljedećim slučajevima:
 - a) ako Izvršilac kasni s izvršenjem isporuke i instalacije;
 - b) ako kvaliteta i kvantiteta robe ne odgovara ugovorenim;
 - c) ako Izvršilac dođe u situaciju da ne može isporučiti predmet Ugovora (stečaj, likvidacija i sl.).
- (2) Obavještenje o jednostranom raskidu Ugovora mora se dostaviti drugoj Ugovornoj strani isključivo u pismenom obliku uz obavezno navođenje osnova za raskid Ugovora.

ZAVRŠNE ODREDBE

Član 10.

Za sve što nije predviđeno ovim Ugovorom, primjenjuju se odredbe važećeg Zakona o obligacionim odnosima i drugih pravnih propisa iz predmetne oblasti.

Član 11.

Izmjene i dopune ovog Ugovora mogu se vršiti isključivo u formi aneksa uz pismenu saglasnost obje Ugovorne strane.

Član 12.

Sve eventualne sporove Ugovorne strane će pokušati riješiti sporazumno u duhu dobrih poslovnih odnosa, a u slučaju nepostizanja sporazuma, nadležan je sud u Sarajevu.

Član 13.

Izvršilac kojem je dodijeljen Ugovor nema pravo zapošljavati, u svrhu izvršenja Ugovora, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za javne nabavke Naručioaca, najmanje šest mjeseci po zaključenju Ugovora, odnosno od početka realizacije Ugovora.

Član 14.

Ovaj Ugovor stupa na snagu danom potpisivanja od strane ovlaštenih predstavnika Ugovornih strana.

Član 15.

Sastavni dio ovog Ugovora čini ponuda Izvršioca, sa tehničkom specifikacijom.

Član 16.

Ovaj Ugovor je sačinjen u 4 (četiri) istovjetna primjerka od kojih svaka Ugovorna strana zadržava po 2 (dva) primjerka.


KING CT d.o.o.
IZVRŠILAC
Sarajevo

Broj: Ugo-001545
Sarajevo, 06.11.2020.



Broj: 26-11-38614-9/20
Sarajevo, 30.10.2020. godine